

玉函山房輯佚書

玉函山房輯佚書目

補

子編道家類

伊尹書一卷

辛甲書一卷

公子牟子一卷

田子一卷

周田駢

老萊子一卷

黔婁子一卷

鄭長者書一卷

任子道論一卷

魏任嘏

洞極真經一卷

魏關朗

唐子一卷

吳唐滂

蘇子一卷

晉蘇彥

陸子一卷

晉陸雲

杜氏幽求新書一卷

晉杜夷

孫子一卷

晉孫綽

苻子一卷

晉苻朗

少子一卷

南齊張融

夷夏論一卷

南齊顧歡

法家類

申子一卷

周申不害

鼂氏新書一卷

漢鼂錯

崔氏政論一卷

後漢崔實

劉氏政論一卷

魏劉廙

阮子政論一卷

魏阮武

世要論一卷

魏桓範

陳子要言一卷

吳陳融

名家類

惠子一卷

周惠施

士緯一卷

吳姚信

墨家類

史佚書一卷

田俀子一卷

隨巢子一卷

胡非子一卷

纏子一卷

伊尹書一卷商伊摯撰史記殷本紀云伊尹名阿衡
欲于湯而無由乃爲有莘氏媵臣負鼎俎以滋味說
湯致于王道案皇甫謐帝王世紀云初力牧之後曰
伊摯耕於有莘之野是伊尹名摯也詩商頌長發鄭
康成箋阿倚也衡平也伊尹湯所依倚而取平故以
爲官名是阿衡乃伊尹官號非名也孟子辨伊尹割
烹要湯之事云伊尹耕於有莘之野而樂堯舜之道
焉云湯使人以幣聘之云湯三使往聘之出處詳明
如此何史遷誤信戰國游士之談而以爲媵臣負鼎

俎重誣之也漢書藝文志道家伊尹五十一篇注湯相又小說家伊尹說二十七篇注其語淺薄似依託也隋唐志均不著錄佚已久茲從逸周書呂氏春秋齊民要術劉向七畧別錄說苑尸子等書輯得十一篇其有篇目可攷者五篇餘俱收入雜篇錄爲一帙四方令區田法及論公卿大夫列士體國經野與周公規模不異本味一篇要卽鹽梅和羹之旨而以奇偉之筆出之不知者遂以割烹傳會而有庖人酒保之枝辭也至於九主之名及阻職貢之策與戰國術

士語近殆所謂依託者乎今亦不能區分統裒一編
依班志入道家云歷城馬國翰竹吾甫

伊尹書

伊尹書

商 伊摯 撰

四方令

逸周書曰伊尹朝獻商書
不周書錄中以事類來附

湯問伊尹曰諸侯來獻或無馬牛之所生而獻遠方
之物事實相反不利今吾欲因其地勢所有獻之必
易得而不貴其爲四方獻令伊尹受命於是爲四方
令曰臣請正東符婁仇州伊慮漚深九夷十蠻越漚
鬻文身請令以魚支之鞞 魴之髻鮫鼈利劍爲獻
正南甌鄧桂國獺子產里百濮九菑請令以珠璣璫

瑁象齒文犀翠羽菌鶴短狗爲獻正南崑崙狗國鬼
親枳已闕耳貫胸雕題離丘漆齒請令以丹青白旄
紕劉江歷龍角神龜爲獻正北空同大夏莎車姑他
且畧貌胡戎翟匈奴樓煩月氏罽犁其龍東胡請令
以橐駝白玉野馬駒駼駃騠良弓爲獻湯曰善

逸周書王

會解

本味

湯得伊尹祓之於廟燭以燿火釁以犧豭明日設朝
而見之說湯以至味湯曰可對而爲乎對曰君之國

小不足以具之爲天子然後可具夫三羣之蟲水居者腥肉攫者臊草食者羶臭惡猶美皆有所以凡味之本水最爲始五味三材九沸九變火爲之紀時疾時徐滅腥去臊除羶必以其勝無失其理調和之事必以甘酸苦辛鹹先後多少其齊甚微皆有自起鼎中之變精妙微纖口弗能言志弗能喻若射御之微陰陽之化四時之數故久而不弊熟而不爛甘而不

噤

集韻入聲十九鐸饅噤注引伊尹曰甘而不餽肥而不饅

酸而不酷

顧野王玉篇口部噤

字注引伊尹曰酸而不噤

辛而不烈澹而不薄肥而不膩肉之美

者猩猩之唇獾獾之炙雋鱣之翠述蕩之擊旄象之
約流沙之西丹山之南有鳳之九沃民所食魚之美
者洞庭之鱖東海之魴醴水之魚名曰朱鼈六足有
珠百碧蘿水之魚名曰鰕其狀若鯉而有翼常從西
海夜飛遊於東海菜之美者崑崙之蘋壽木之華指
姑之東中容之國有赤木元木之葉焉餘瞿之南南
極之崖有菜其名曰嘉樹其色若碧陽華之芸雲夢
之芹具區之菁浸淵之草名曰土英和之美者陽樸
之薑招搖之桂越駱之茵鱣鮪之醢大夏之鹽宰揭

之露其色如玉長澤之卯飯之美者元山之禾不周

之栗陽山之稌南海之秬

許慎說文解字禾部秬字注引伊尹曰飯之美者元

山之禾南海之秬集韻去聲三十七号秬字注同

水之美者三危之露崑崙

之井沮江之上名曰搖水白山之水高泉之山其上

有湧泉焉冀州之原果之美者沙棠之實常山之北

投淵之上有百果焉羣帝所食箕山之東青鳥之所

有甘櫨焉

史記司馬相如傳司馬貞索隱應劭曰伊尹書云箕山之東青鳥之所有盧橘夏熟

江浦之橘雲夢之柚漢上石耳所以致之馬之美者

青龍之匹遺風之乘非先爲天子不可得而具天子

不可彊爲必先知知道者止彼在亡亡成而天子成
天子成則至味具故審近所以知遠也成亡所以成
人也聖王之要矣豈越越多業哉

呂氏春秋
本味篇

先亡

湯問於伊尹曰欲取天下若何伊尹對曰欲取天下
天下不可取可取身將先取凡事之本必先治身齊
其大寶用其新棄其陳腴理遂通精氣日新邪氣盡
去及其天年此之謂真人昔者先王成其身而天下
成治其身而天下治故善響者不於響於聲善影者

不於影於形爲天下者不於天下於身

呂氏春秋
先亡篇

九主

伊尹從湯言素王及九主之事

史記殷
本紀

九主者有法

君專君授君勞君等君寄君破君國君三歲社君凡

九品圖畫其形

劉向七
畧別錄

區田

湯有旱災伊尹作爲區田教民糞種負水澆稼區田
以糞氣爲美非必須良田也諸山陵近邑高危傾阪
及邱城上皆可爲區田區田不耕旁地庶盡地力凡

區種不先治地便荒地爲之以畝爲率令一畝之地
長十八丈廣四丈八尺當橫分十八丈作十五町町
間分爲十四道以通行人道廣一尺五寸町皆廣一
尺五寸長四丈八尺尺直橫鑒町爲溝溝一尺深亦
一尺積穰於溝間相去亦一尺嘗悉以一尺地積穰
不相受令宏作二尺地以積穰種禾黍於溝間夾溝
爲兩行去溝兩邊各二寸半中央相去五寸旁行相
去亦五寸一溝容四十四株一畝合萬五千七百五
十株種禾黍令上有一寸土不可令過一寸亦不可